

ایونینگ گو جری نیوز بلیٹن مورخہ 23 ستمبر 2025

یوہ آکاشوانی جموں بے غلام سرور تے نصرت چوہدری تیں خبر سُنو۔

HEADLINES

- ۱۔ وزیر اعظم نریندر مودی نے قوم تیں 25 ستمبر نانہ سوچھتا ہی سیوا مہم مانہ شامل ہون غی اپیل کی۔
- ۲۔ وزیر اعلیٰ عمر عبداللہ نے سرینگر مانہ کابینہ گی میٹنگ گی صدارت کرگے کلیدی گورننس تے ترقیاتی فیصلاں گی منظوری دی۔
- ۳۔ نائب وزیر اعلیٰ سریندر کمار چودھری نے بُلوارڈ سڑک سرینگر مانہ سڑک نانہ چوڑو کرن غا کم غو جائیزو لیو۔
- ۴۔ آیوشمان بھارت دنیا غی سب تیں بڑی سرکاری صحت بیمہ سکیم نے اج اپنا 7 سال مکمل کیا ہیں۔
- ۵۔ جموں نے ریلیاں تے ثقافتی تقریبات سنگ مہاراجہ ہری سنگھ گی 130 ویں سالگری منائی۔

PM SWACCHATA

وزیر اعظم نریندر مودی نے ملک پھر غالوکان نانہ سوچھتا ہی سیوا مہم مانہ بڑھ چڑھ غے حصولین گی اپیل کی ہے ایک سماجی میڈیا میڈیوسٹ مانہ جناب مودی نے اس نانہ ایک متاثر کُن اقدام قرار دتو جہڑو اجتماعی ذمہ داری تے قومی فخر غا جذبہ گی عکاسی کرے اُنہاں نے لوکان نانہ اپیل کی کہ وے 25 ستمبر بروز ممبران یکیلو 8 بجے سوچھتا اتسو مانہ شامل ویں تے شرمداں کریں واضع رے جے اس تہاڑا ور پنڈت دین دیال اپادھیائے غو یوم پیدائش وی منایو جے۔

CM CABINET MEET

وزیر اعلیٰ عمر عبداللہ نے اج سرینگر غا سول سیکرٹریٹ مانہ کابینہ گی میٹنگ گی صدارت کی میٹنگ غے دوران گورننس تے ترقیاتی کم کاج تیں متعلق کئی اہم فیصلہ لیا گیا ذرائع سنگ دسیو گیو ہے کہ میٹنگ مانہ گل بات کلیدی انتظامی امور ور مرکوز رہی جس غو مقصد مجموعی گورننس نانہ بہتر بنانوتھو وزیر اعلیٰ نے فیصلاں ور بروقت عملدآمد ور زور دتو تانجے ثحرات عوام توڑی پُجایو جاسکے۔ اجلاس مانہ اعلیٰ وزراء تے اعلیٰ حکام نے شرکت کی مزید تفصیلات گی اجیں اڈیک ہے۔

DY CM PROJECTS

نائب وزیر اعلیٰ سریندر کمار چودھری نے اج سرینگر مانہ نہرو پارک غے نیڑے بُلوارڈ سڑک ور سڑک نانہ چوڑا کرن غا جاری کم غو جائیزو لیو وزیر اعلیٰ غا

مشیر ناصر اسلم وانی گے ہمراہ اُنہاں نے منصوبہ گئی پیش رفت غو معائنو کیو تے موقع ور موجود افسراں سنگ گل بات کی کام گئی بروقت تکمیل ور زور دیتا واں نائب وزیر اعلیٰ نے متعلقہ محکماں نانہہ ہدایت جاری کرتا واں کہیو کہ تاخیر تیں بچن تے عوام گئی رسائی نانہہ بہتر بنان بارے کم گئی رفتار نانہہ مزید تیز کیو جے اُنہاں نے کہیو کہ ان منصوبہ سنگ سڑک رابطاں مانہہ اضافو وے غو تے مقامی لوکاں غے نال نال اس علاقہ مانہہ آن آلا سیاحاں نانہہ وی بہتر سہولت فراہم وے گئی اس موقع ور ذرائع ابلاغ سنگ گل بات کرتا واں نائب وزیر اعلیٰ نے اس طرح کہیو۔

SEWA PARV

پورا ملک مانہہ مایو جارہی وے سیوا پرو غا اس موقع ور اج ہم تم نانہہ دس رہی اہیں کہ کس طرح مودی حکومت نے پردھان منتری کوشل وکاس یوجنہ غے ذریعے بھارت غا نوجواناں نانہہ باختیار تے مضبوط بنایو ہے۔ 11 براں پہلاں وزیر اعظم نریندر مودی نے نوجواناں نانہہ باختیار بنان غو کوآب دیکھیو تھو جس تیں بعد 15 جولائی 2015 نانہہ یاه یوجنہ شروع کی گئی تھی ہُن یاه اپنا چوتھا مرحلہ مانہہ ہے تے جولائی توڑی تقریباً ایک کروڑ 63 لکھ نوجواناں نانہہ تربیت دتی جاچکی ہے جن مانہہ 45 فی صد خواتین شامل ہیں یاه پہل نوجواناں نانہہ روزگار غا مواقع فراہم کرن تے کاروبار شروع کرن مانہہ مددگار ثابت ہو رہی ہے اپنا نظریہ غا بارا مانہہ وزیر اعظم نے اس طرح کہیو۔

PROG ANN

علاقائی خبراں آلا یونٹ آکاشوانی جموں غی طرفوں ایک خصوصی مباحثہ پروگرام نشر کیو جارہیو ہے جس غو وقت 30 منٹاں گو وے گو تے موضوع ہے آتم نربہر بھارت یوہ پروگرام سیوا پرو 2025 غی تقریبات غا سلسلہ مانہہ نشر کیو جارہیو ہے جہڑی کہ 15 ستمبر تیں منائی جارہی ہے یاه خصوصی نشریات 24 ستمبر 2025 نانہہ دوپہر ساڈھ 12 بجے نشر کیو جے گو اس خصوصی نشریہ مانہہ مہارا مہمان ارون منہاس ڈائریکٹر مہکمہ انڈسٹریز وکامرس جموں پنا خیالات تے ماہر آراء پروگرام گا موضوع ور پیش کرینگا پروگرام گئی میزبانی ماری اینکر شروتی کھجوریہ تے ابھیلاشا شرما کرینگی آکاشوانی نیوز جموں سنگ یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں گا۔

AYUSHMAN BHARAT

پردھان منتری جن آروگیہ یوجان نانہہ اج ست سال مکمل ہو گیا ہیں واضع رہ جے ستمبر 2018 مانہہ رانچی تیں شروع کی گئی دُنیا گئی سب تیں بڑی سرکاری صحت بیمہ سکیم ہے اس سکیم نے بھارت مانہہ صحت گئی دیکھ بھال مانہہ تبدیلی آئی ہے جس تیں 55 کروڑ تیں متا مستفید ہویا ہیں اس سکیم غے ذریعے گُنباں نانہہ سالانہ 5 لکھ روپیہ توڑی صحت غی سہولت دتی جے۔ جس تیں ملک بھر مانہہ بغیار پیسہ تے کاغز غے یعنی کیش لیس تے پیپر لیس علاج نانہہ ممکن بنایو جے ہُن توڑی اس سکیم غے تحت 10 عشاریہ 30 کروڑ تیں متا اسپتال نانہہ اس مانہہ داخل گئی اجازت دتی گئی ہے جس تیں 1 عشاریہ 48 لکھ کروڑ تیں متا مریضاں نانہہ بغیر پیساں گے دیکھ بھال بارے اہم

بچت گی ترجمانی کی گئی ہے۔ ایک مستفید نے اس سکیم کی تعریف کرتا واں اس طرح کہیو۔

MAHARAJA HARI SINGH

اج غو تہاڑو جموں کشمیر سابقہ ریاست غا آخری دوگرہ حکمران مہاراجہ ہری سنگھ کی 130ویں یوم پیدائش غا طور ور مانیو گیو اس موقع نانہ یادگار بنان بارے جموں خطہ مانہ لوکاں نے پر جوش شرکت سنگ ریلی کڈی تے شرکاء نے مہاراجہ نانہ زبردست خراج تحسین پیش کیوتے ان کی تعلیم سماجی انصاف تے حکمرانی مانہ ان کی ترقی پسند اقدام نانہ یاد کی وگیو اس سلسلہ مانہ ریلیاں مانہ ثقافتی کارکردگی تے حُب الوطنی غا گیت وی پیش کیا گیا آکاشوانی خبراں آلا شعبہ سنگ گل بات کرتا واں امرکاشتری راجپوت سبھا سامبا غا صدر کپٹن اندر سنگھ نے اس طرح کہیو۔ اس سلسلہ مانہ لیفٹیننٹ گورنر منوج سنہا تے وزیر اعلیٰ عمر عبداللہ تے ٹرانسپورٹ وزیر ستیش شرما نے وی مہاراجہ ہری سنگھ نانہ خراج تحسین پیش کیو۔

RAMBAN AGRI

محکمہ زرعی رام بن نے کامیابی غے نال مٹی غی صحت غا انتظام ور ایک روزہ تربیتی پروگرام غو انعقاد کیو اس موقع ور محکمہ زراعت غا افسراں نے کساناں غے نال گل بات کی تے حکومت غا اس عزم نانہ اُجاگر کیو کہ ایچ اے ڈی پی سکیمان غے ذریعے کسان برادری نانہ مضبوط بنایو جے۔ ان سکیمان نانہ مٹی غی صحت بہتر بنان پیدوار مانہ اضافو کرن تے آمدنی بدھان واسطے مکمل تعاون فراہم کی و جے اس موقع ور مختلف فصلاں گا اعلیٰ معیار غا بیج مفت تقسیم کیا گیا تانجے کاشتکاری مانہ تنوع لایو جاسکے تے پیدوار نانہ بدھایو جاسکے اس بارے مزید گل کرتا واں رام بن غا چیف ذرعی افسر ڈاکٹر ونے کمار جندیال نے اس طرح کہیو۔

SWASTH NARI

سوسٹھ ناری سشکت پریوار ابھیان غے تحت ادھمپور غا کمیونٹی صحت مرکز مانہ ایک مفت طبی جانچ کیمپ منعقد کیو گیو۔ اس کیمپ مانہ خاص طور ور دور دراز تے پسماندہ علاقان غی بڑی تعداد مانہ خواتین شامل ہوئیں کیمپ مانہ جامع طبی سہولیات سکریننگ تے مشورہ مفت فراہم کی اگیا اس کیمپ غو افتتاح ممبراسمبلی بلونت سنگھ منکوٹیہ نے کیو۔ انہاں نے اس پہل غی تعریف کی۔ انہاں نے اس بارے مزید اس طرح کہیو۔
